

五原廳志稿



五原廳志

江蘇廣陵古籍
刻印社景印



五原廳志目錄

卷上

圖

五原疆域圖

表

歷代郡縣源流沿革表

輿地志

疆界

形勢

山川

古蹟

建置志

沿革

津梁

村莊

河渠

學校

祠祀

附台廟

喇嘛人數

墳墓

紀事志

歷代紀事

祥異志

歷代祥異

德音志

巡幸

恩澤

封建志

前代爵邑

職官志

前代文武職

近代文職

兵志

巡警

巡防隊

邊防

卷下

食志

戶口

物產

風俗志

習尚

禮儀

歲時

方言

名宦志

前代政蹟

人物志

前代孝義

流寓

雜傳

藝文志


詔

疏


雜文

銘 詩


五原廳疆域總圖




圖之一




三之畧










七之圖





易之九







杭新營

杭新營

十一之圖



蜀之十二



歷代郡縣源流沿革表

本朝 五原廳

本烏拉特前中後三旗鄂爾多斯左右翼後二旗牧地光緒二十九年置屬歸綏道

唐虞 渠搜地

三代 禹貢冀州之域春秋獫狁地

秦 九原郡地

兩漢 五原郡新興郡 武帝元朔二年名五原郡獻帝建安二十年合為新興郡

魏晉 省

北周 魏 肆州懷朔鎮五原郡 北魏元明帝滅夏置肆州西魏為懷朔鎮周名五原郡

隋 豐州五原郡 開皇三年置豐州煬帝初州廢置五原郡

唐 豐州九原郡

貞觀四年稱豐州二十一年廢入靈州二十二年又改豐州天寶元年改九原郡乾元二年復號豐州景龍二年張仁愿築中受降城

五代 銀川地

宋

豐州寧豐郡

屬河東路

遼金

豐州天德軍

屬京西路

元

豐州

明

河套

阿魯台瓦刺馬哈木字來毛里孩阿羅出滿魯都俺答據此

五原廳志上卷

輿地志

疆界山川

形勢古蹟

五原廳治在山西太原府北一千六百一十里東至
薩拉齊廳界三百四十里東南至東勝廳界五百五
十里南至鄂爾多斯右翼前旗界二百四十里西南
至鄂爾多斯右翼中旗界五百二十里西至阿拉善
王旗界二百七十里西北至上謝圖汗默爾根王旗
界九百里北至上謝圖汗默爾根王旗界三百里東
北至武川廳界三百一十里 距京師一千九百里

口外無驛傳所開里
數均以車行之數計

形勢

五原廳為晉北屏藩地居高原沃野十里賀蘭陰山
層巒疊嶂環繞于東西北三面黃河自西而東瀕洋
澎湃襟帶於其間商賈往來陸路通土謝圖汗札薩
克三部落航路達本省之蒲州磧口河曲包頭等府
廳縣河南之泗洲甘肅之寧靈二府州水陸交通商
賈雲集實為西北雄鎮邊陲衝要

山川

陰山

一名大青山起自河套之北烏拉特旗之西境北走為喀卜特兒山又東北轉為哈兒占布兒

古圖狼居胥那林朔龍翁金朔龍等諸山又遠逆而

東奔綿亘于烏拉特旗之北及毛明安喀爾喀右

翼二旗之南部又東北至四子部落旗之東南而為

色爾貝山山勢益高峻更瀾漫東向歷察哈爾及牧

廠而為都蘭山得爾山繞出多倫諾廳之北山勢稍

稍斷絕至克西克騰旗之西而為海喇喀山與興安

嶺相連續又東南為蝦蟆嶺為大衍嶺為卯金山諸

山盤曲於翁牛特喀喇沁二旗之間而卯金山為最

高大又南奔為明安山老河諸水發源之所也更東

北轉為大凌河之水源而蜿蜒于奈曼喀爾喀故汗

諸旗界焉此山脈甚延大起至河套之北斜達盛京

邊牆北橫障沙漠延袤數千里俗稱烏拉山郎山北

山者俱土人臆度之名實則皆陰山也

黃河

其上游謂之喀屯河德堡蒙古謂自鄂喀靈海陸歸青海之西南有巴顏喀喇山在東北緯三十三度六十五度

與地志

山之東麓諸泉流出匯阿爾坦河是為黃河之源東
北六百里注于星宿海蒙屯古謂棘星宿海者泉流百
泓望之如列星故有此名自此成一川流注於查靈
海向東北流抵甘肅省始有黃河之稱蓋以河水渾
濁故也自此合大通河洮河二大水沿長城抵寧夏
府又北流而出長城入內蒙古過鄂爾多斯右翼中
旗之西白塔之東經流凡四百八十餘里岐為二派
其東北流經過後旗西北境者曰南河其北流至阿
爾布坦山之南麓溢而為大澤者曰北河即古之甲
屠澤也土人名之曰騰格里泊周圍近百里河流自
此分為數道曲折東流經過右翼後旗之北部與烏
拉特旗分界之處約百八十里許稍稍向東南又折
而南其流復合又東南納布爾哈蘇台河喀喇河西
都爾呼河經烏拉特旗南部與鄂爾多斯右翼中旗
北部之南海子又經左翼後旗納北博托河蘇爾哲
河合於南哈拉奔那河至圖爾根河注入之處河勢
東南轉過右翼前旗之東部及歸化城土默特之西
界遂向南流再貫長城入山西省偏頭關陝西省榆

林府府谷縣界此處河幅寬七百餘丈通舟楫流勢
緩慢不如內地黃河之奔流激湍也黃河初出長城
再入邊其間河流成一灣曲形故稱其內為河套云
鄂爾多斯七旗咸注牧于河套之內以東西北三面
河流為天然之疆界

古蹟

西土城子

在鄂爾多斯右翼後旗義和渠之西古
城半面不見磚石無碑碣可考相傳為宋

將楊業屯兵處光緒初年城猶四面高猶二丈圍闊
八里東西二門蒙民猶處其中惟時黃河尚在城南

五六里許近年黃河北越南半城
悉成河岸俗呼為西土城子

小海子

一名水鉢洞在鄂爾多斯右翼後旗在大盛
成村東南沙梁內南北長約三里闊約里許

其水漲落不時無定邊界也歲出魚數千觔或數萬
觔不等向歸蒙人封禁光緒三十二年劃入墾界

古塔五座

在鄂爾多斯右翼後旗天吉太村東南塔爾灣高約三丈餘相傳為章家廟舊址無

碑碣
可考

舊城

在鄂爾多斯左翼後旗五分

磚塔六座

在鄂爾多斯左翼後旗味桃氣高均丈餘相傳為板磴台舊址無碑碣可考

古城

在烏拉特中旗蔴池村北城梁周圍八里無碑碣可考

五原廳志上卷

建置志

沿革學校

津梁祠祀

村莊墳墓

河渠

沿革

五原廳唐虞渠搜地

見中國歷代沿革考

禹貢冀州之域

朝一統志春秋獫狁地

見萬國形勢指掌圖

秦置九原郡漢武帝元

朔二年更名五原

見續地志

建城於光祿塞

見水經注建安

二十年合為新興郡

見中國歷代沿革考

魏晉省北魏元明

帝滅夏置肆州

見中國歷代沿革考

西魏為懷朔鎮北周仍

稱五原郡隋開皇三年置豐州

見元和志

煬帝初州廢置

五原郡

見通典

唐貞觀四年復稱豐州二十一年廢入

霸州二十二年又改豐州天寶元年改九原郡乾元

元年復號豐州

見舊唐書

景龍二年張仁愿築中受降城

以禦突厥

見元和志

五代銀州地宋為豐州甯豐郡屬河

東路遼金皆豐州天德軍屬京西路

見金史

元復豐州

見元史

明季阿魯台瓦刺馬哈木字來毛里孩阿羅出

滿魯都俺答相繼入寇淪為異域

國初蒙古內附以其地賜烏拉特前中後三旗鄂爾

多斯左右翼後二旗屬綏遠城將軍私墾漢民遇有

詞訟赴沿邊各廳縣仲理聽從民便無所謂管隸光

緒二十九年山西巡撫岑奏設廳治因漢名析薩拉

齊所治之烏拉特前中後三旗即東中西三公旗鄂爾多斯

右翼後旗即杭錦旗鄂爾多斯左翼後旗迤西各村落即達

拉特旗隸馬

津梁

晏安河橋在鄂爾多斯左翼後旗之黃老樓晏安河上地商郭敏修建

名廟橋在鄂爾多斯左翼後旗之黃老樓

五加河橋在鄂爾多斯左翼後旗之六奉子

板小頭橋 在鄂爾多斯左翼旗之北牛渠村

城渠橋 在鄂爾多斯左翼旗之北牛渠村

板旦橋 在鄂爾多斯左翼旗之板旦村

五道口橋 在鄂爾多斯左翼旗之五道口子

長濟橋 在鄂爾多斯右翼旗之長濟渠上光緒三十一年墾局建

革余橋 在鄂爾多斯右翼旗之塔布河上光緒三十一年墾局建

廣濟橋 在鄂爾多斯左翼旗之四櫃村

通濟橋 在鄂爾多斯左翼旗之小儼汗淖

公濟橋 在鄂爾多斯左翼旗之大公

晉濟橋

在鄂爾多斯右翼後旗之革余

沙河橋

在鄂爾多斯右翼後旗之和合源村沙河上光緒三十二年墾局建

義和渠橋

在鄂爾多斯右翼後旗之義和渠村義和渠上光緒十五年地商王同春建三十三

年墾局

增修

同心德橋

在鄂爾多斯左翼後旗之同心德村義和渠上光緒十五年地商王同春建三十三

年墾局

增修

和合源東橋

在鄂爾多斯右翼後旗之和合源村東渠上光緒十七年地商王同春建三十

年墾局

增修

和合源中橋

在鄂爾多斯右翼後旗之和合源村中渠上光緒十七年地商王同春建三十

一年壑局增修

和合源西橋

在鄂爾多斯右翼後旗之和合源村西渠上光緒十八年地商王同春建三十

一年壑局增修

和合源北橋

在鄂爾多斯右翼後旗之和合源村北渠上光緒十八年地商王同春建三十

一年壑局增修

廠漢格爾河橋

在鄂爾多斯左翼後旗之廠漢格爾河上地商張大貴建

合和興東大渠橋

在鄂爾多斯左翼後旗之合和興村北東大渠上光緒二十八年地

商王同春建三十三年壑局增修

合和興橋

在鄂爾多斯左翼後旗之和興村地商王同春建

同心德喜金子頭道渠橋在鄂爾多斯左翼後旗之

金子

喜金子二道渠橋在鄂爾多斯左翼後旗之喜全

德厚成橋在鄂爾多斯右翼後旗之德厚

隆興長橋在鄂爾多斯左翼後旗之隆興長

黑界大橋在鄂爾多斯左翼後旗

新把總橋在鄂爾多斯左翼後旗之隆興長村東北

城渠橋在鄂爾多斯後旗之隆

四大股廟橋在鄂爾多斯左翼後旗之隆興長村

鴨子兔公中橋在鄂爾多斯左翼後旗之鴨子

南橋在鄂爾多斯左翼後旗之鴨子

中橋在鄂爾多斯左翼後旗之鴨子

永和瑞西大橋在鄂爾多斯左翼後旗之鴨子

頭道橋在鄂爾多斯左翼後旗之鴨子

三檀橋在鄂爾多斯左翼後旗之鴨子

公中東大橋在鄂爾多斯左翼後旗之鴨子

弓油房大橋在鄂爾多斯左翼後旗之補紅村

興盛成東大橋在鄂爾多斯左翼後旗之前補

後補紅村中大橋在鄂爾多斯左翼後旗之後補紅村西大渠中游地商王同春建

天生壕大橋在鄂爾多斯左翼後旗之補紅村天生壕上地商王同春建

長盛西房後橋在鄂爾多斯左翼後旗之鴨子兔村南天生壕上地商王同春建

阿善橋在阿爾多斯右翼後旗之阿善村

西北梁橋在鄂爾多斯右翼後旗之西家圪梁村

何家圪梁橋在鄂爾多斯右翼後旗之何家圪梁村

哈拉烏素橋在鄂爾多斯左翼後旗之哈拉烏素村

兆豐橋在鄂爾多斯右翼後旗之天吉泰村東豐濟渠上光緒三十一年墾局建

瑞豐橋在鄂爾多斯右翼後旗之五分子村

慶豐橋

在鄂爾多斯左翼後旗之蒙格兔村

昭君墳渡

在烏拉特前旗拴住馬圪獨距城三百二十里對岸南檀窰子

柳林子渡

在烏拉特中旗地距城三百八十里對岸三叉口

白二渡

在烏拉特後旗地距城四百里對岸紅洞灣

畫匠營渡

在烏拉特後旗地距城四百二十里對岸紅洞灣

來福子渡

在烏拉特後旗地距城四百里對岸長漢灘

村莊

東鄉共八十九村

把總地

鄔四圪石

燕安和圪石

恆隆常卓

恒興 板旦 五道口子 黑泥池 忽力素淖爾

土默淖爾 張高兔 二小子圪凸 大廠汗淖

爾 小廠汗淖爾 威圪兔 上達拉兔 加不索

爾 達賴淖爾 天心義 什拉忽洛素 烏藍淖

侯家圪凸 什卜爾太 宿貝兔 石藍計 張

毛壕 箭杆捕隆 紅門兔 隆太 合沿獨貴

二分子 東地頭 西公官牛犊 大余太 烏鷄

爾忽洞 五分子 六分子 烏蘭忽洞 薛臣全

圪卜 惱包灘 謝俊圪圪凸 楊謙圪凸 台樑

七分子 二十年地溝 台樑 尤家圪石 色氣

口子 大成公 黑沙兔 賈全灣 老爺廟北卜

馬七女圪石 康村頭分子 渠金子 五千營

子 上八百營子 下八百營子 土蛤蟆精 小

奴氣 大奴氣 信成遠 彩祥居 油房六分子

沙渠子 白房溝 三分子 東官井 公義明

口子 柴惱包 爾得尼溝 榆樹溝 缸房地

石拐 石門子 察汗溝 得勝溝 公忽洞 毛

鬼神窰子 王老大窰 四道沙河 當鋪窰子

楊三窰子 三道沙河 馬廠樑 石拉淖爾 二

道沙河 洪慶德

西鄉共二十七村

鴨子兔 把汗合少 加各氣 戶口地 喇嘛召

古獨格爾 王在林 海生 吠桃氣 索蓋 永

盛和 張雙駒 德成渠 天德源 魏羊地 藍

鎖爾 蔓會 五大股 捎爾旭亥 黃羊木頭

磨菇榨子 戶口地 東公中 西公中 戶口地

西場戶口地 西場和合德 東場和合德

南鄉共二十七村

東牛渠 南牛渠 黑界地 保德素 戶口地

和合源 興盛成 大盛成 同心成 郭有元

惱包壕 萬泰公 金長春 史老虎 田大人地

復太長 東土城子 西土城子 姚家河頭 錦

繡堂 哈拉特勞亥 杭錦貝子 戶口地 布袋

口子 白家地 合莫合少 索凌扣灣 紅銅捕

隆

北鄉共一十二村

665390



北牛旗 小北牛旗 補洪 十八圪兔 把總地

新把總地 北牛旗 烏蘭倒色 萬和堂 萬

和長 梅令廟 保什號淖

東北鄉共一十一村

白彥淖爾 壕賴加哈 以肯捕隆 哈拉兔 東

倒拉忽洞 忽洛保淖 上烏蘭淖 什納幹 小

余太 西倒拉忽洞 十分子

西北鄉共七村

韓烏拉 協成地 祥泰魁 纏金 烏蘭保爾

趙皮房 恒和德

西南鄉共一十四村

戶口地 曹四喜爾 烏蘭扛扛 長興堂 陳四

地 阿善 鄔家地 十大股 同心西 劉三地

戶口地 吳祥地 李三地 什拉特拉

東南鄉共七十二村

天和長 西懷木 東懷木 各蛇 合少公中

上扒子補隆 下扒子補隆 君兔 魚網圪凸

四川淖爾 廟圪石 黑土崖子 水泉爾 烏梁

素 幼女子地 五毛界 西山嘴爾惱包 姜白

店 楊五套子 東木兔 老馮圪石 藍胡圪石

史家圪石 安洪圪石 達不素太 段四圪石

加各氣廟店 哈達門口子 合彥爾色氣 西

公合少公中 西哈拉捕達 東哈拉捕達 土蛤

蟆淖爾 達拉亥 做汗以力更 劉樹灣 全把

兔 興縣窰 靳二窰 藍櫃窰子 召灣 萬興

公 高油房 保爾泰 韓盛基窰 蘇池 城房

灘 韓慶窰 焦家營 甲浪灣 畫匠窰 南火

房 哈拉泡子 西旺成 德盛成 南忽蘆頭

談蓋卯石 捎爾扣灣 昭君墳 特拉亥 合彥

爾兔 武旦捕隆 黃卯石 張虎灘 柳林子

永興西 紅脫灣 王應基灘 王家地 二鎖圪

樑 西各鵠太

以上八路共二百五十九村

河渠 就黃河開口者

杭錦旗貝子戶口地大渠

達拉特旗合少公中渠

龍子補龍教堂地大渠

塔布河渠

地商張照開挖未成光緒三十年報經壑局給價歸官

長濟渠

原名長勝渠光緒五年地商侯雙珠開挖未成三十年侯應魁報經壑局給價歸官

老郭渠

同治十二年地商德茂永萬太公李達元四官川老郭開挖未成三十年報經壑局給價歸

義和渠

光緒十八年地商王同春開挖未成三十一年報經壑局給價歸官

錦繡堂渠

光緒二十六年地商陳錦科開挖未成三十年報經壑局給價歸官

爛大渠

光緒十五年地商王同春開挖未成三十一年報經壑局給價歸官

呂皮河頭渠

光緒二十年地商周壽山開挖未成三十年報經壑局給價歸官

沙河渠 光緒二十一年地商王同春開挖未
成三十一年報經墾局給價歸官

阿善渠 光緒七年地商蕭瑞開挖未
成三十年報經墾局給價歸官

鄔家地渠 光緒九年地商蕭瑞開挖未
成三十年報經墾局給價歸官

常興堂 共二道光緒十年地商常四開挖
未成三十年報經墾局給價歸官

曹四喜渠 光緒四年曹四喜爾開挖未
成三十年報經墾局給價歸官

十大股渠 光緒十二年地商張鎮達開挖未
成三十年報經墾局給價歸官

皂火河渠

豐濟渠 光緒二十三年地商王同春開挖未
成三十年報經墾局給價歸官

劉三渠 光緒二十四年地商劉永祥開挖
未成三十年報經墾局給價歸官

剛目河渠

同治三年地商協成開挖
未成三十一年報壑歸官

鄔祥地渠

光緒二十四年地商鄔祥開挖未
成三十一年報經壑局給價歸官

戶口地

鄔祥渠

地商鄔祥開挖未成光緒三
十年報經壑局給價歸官

土默爾渠

光緒三十年地商李振海開挖未
成三十一年報經壑局給價歸官

天德源德成渠

光緒二十五年地商魏鳳山李海馬
開挖未成三十年報經壑局給價歸

官

永濟渠

原名纏金渠地商甄姓開挖未成
光緒三十年報經壑局給價歸官

五大股渠

地商甄姓開挖未成光緒三
十年報經壑局給價歸官

藍鎖渠

同治光緒

三十年地商王文祥開挖未成
三十年報經墾局給價歸官

稍爾宿亥渠

光緒三十年地商王文祥開挖未
成三十年報經墾局給價歸官

黃特老亥渠

黃羊木頭渠

東公中大渠

西公中大渠

楊家河子渠

烏拉河渠

學校

官立半日學堂

三處

一在烏拉特後旗蘇地村一
在鄂爾多斯左翼後旗之隆

興長村一在鄂爾多斯左翼後旗
之纏金村額定學生各十五人

私立初等小學堂

一處

在鄂爾多斯左翼後旗
之晏安河村學生八人

祠祀

附召廟

喇嘛八數

龍王廟

在烏拉特中旗台
灣村嘉慶年間建

龍王廟

在烏拉特中旗蘇
池村同治年間建

龍王廟

在烏拉特後旗二道
沙河村光緒年間建

大仙廟

在烏拉特中旗蘇地村北名城梁
後有古蹟破城一座祥載古蹟門

龍王廟

在烏拉特後旗明
案油房六分子

關帝廟 在烏拉特前
旗大舍大村

關帝廟 在鄂爾多斯左翼後旗黃老樓
光緒二十九年地戶郭敏修建

河神廟 在鄂爾多斯左翼後旗黃老樓

四大股廟 在鄂爾多斯右翼後旗興盛成村北內祀
牛王 龍王 龜神 大仙 藥王 馬王

光緒二十一年地商王傑建

河神廟 在鄂爾多斯右翼後旗阿善村

公中廟 在鄂爾多斯右翼後旗阿善村內祀
河伯 龍王

大仙廟 在鄂爾多斯左翼後旗天吉太

大仙廟 在鄂爾多斯左翼後旗天吉太

公中廟 在鄂爾多斯左翼後旗纏金

蟬盂兔召 在烏拉特中旗召灣村

楊家台召廟 在烏拉特中旗楊家台村

梅力更召廟 在烏拉特前旗陰山前

大壩召廟 在烏拉特前旗陰山前

公廟召 在烏拉特前旗營盤後條前旗家廟

哈貴兔召 在烏拉特後旗明案營盤灣係後旗家廟

福音寺召 在烏拉特前旗大舍大北山前

法喜寺 在烏拉特中旗崑獨崙河俗名崑獨崙召係中旗家廟喇嘛百餘人

勾心廟 一在鄂爾多斯左翼後旗北牛犊北光緒十一年由四櫃遷移來此喇嘛八十八名

八爾汗廟 一在鄂爾多斯左翼後旗黃老樓北道光十三年由烏拉地遷移來此喇嘛七十六名

什尼廟 一在鄂爾多斯右翼後旗卓恒興之北係杭錦旗貝子家廟由天和長遷移來此喇嘛八十餘人

喇嘛八十餘人

拉晉占巴廟 一在鄂爾多斯右翼後旗布袋口子喇嘛百餘人

多剛廟 一在鄂爾多斯右翼後旗姚家河頭喇嘛三十餘人

巴彥托羅蓋召 一在鄂爾多斯右翼後旗合和興村相係乾隆

初年建喇嘛

百二十八人

土力蓋召

在鄂爾多斯左翼後旗把總地喇嘛七十四人

梅林廟召

在鄂爾多斯左翼後旗梅林廟村喇嘛三十六人

章嘉廟

在鄂爾多斯右翼後旗強家油房北喇嘛百四十五人

乾占廟

在鄂爾多斯右翼後旗黃羊木頭喇嘛二百二十三人

割亥兔廟

在鄂爾多斯右翼後旗劉三地喇嘛十餘人

長漢淖廟

在鄂爾多斯右翼後旗廠漢淖地喇嘛三十餘人

寶登廟

在鄂爾多斯右翼後旗捐窩亥地喇嘛五十六人

梅林廟

在鄂爾多斯右翼後旗五角河南畔喇嘛三百餘人

拉生廟

在鄂爾多斯

十里廟

在烏拉特前旗恒和德北喇嘛五百六十餘人

寶圪塔廟

在鄂爾多斯左翼後旗協成地西地光緒十五年建喇嘛百二十餘人

法佑寺

原名板禪名前在鄂爾多斯右翼後旗馬連圖地嘉慶六年被水十三年在達拉特旗鴨

馬來地重建喇嘛三百餘人

纏金召

在鄂爾多斯左翼後旗纏新東渠稍西邊喇嘛八人

小召子

在鄂爾多斯左翼後旗做漢淖爾村道光三十年蒙古作拉慶建喇嘛三十餘人

墳墓

漢

明妃昭君墓

在烏拉特前旗捎爾扣灣無碑記可考歸化城西南二十里托克托城黑河邊

亦有昭君塚
不知孰是

五原廳志上卷

紀事志 歷代紀事

周

赧王十五年趙攻中山地至九原

文獻通考注九原今九原安北是綱

目集覽九原即五原郡

十六年趙武靈王傳國子何自號主父詐為使者從

雲中九原入秦

秦

始皇帝二十六年分天下為三十六郡九原即在其

內

三十二年帝巡北邊遣將軍蒙恬伐匈奴

三十三年蒙恬伐匈奴收河南地因河為塞築四十

四縣城臨河徙謫戍以充之謂新秦

張晏曰河南朔方郡之河南正

義曰新秦今夏勝等州也按即九原郡地

三十五年除道自九原抵雲陽使長子扶蘇北監蒙

恬上郡軍

漢

武帝元朔二年遣將軍衛青李息出高闕收河南地

置朔方五原郡募民徙朔方十萬口

漢書地理志秦五原郡武帝元

朔二年更名五原通志勝州榆林縣西有漢五原郡城

元鼎五年秋九月匈奴入五原殺太守

六年冬九月遣浮沮將軍公孫賀出五原

元封三年趙破奴擊樓蘭有功封為浞野侯

延綏鎮志載破

奴五原人也

太初三年夏四月遣光祿勳徐自為築五原塞列城

至靈胸游擊將軍韓說將兵屯之 秋匈奴單于

壞光祿諸亭障

天漢元年秋發謫戍屯五原

四年春正月李廣利將六萬騎步兵十萬人出朔方
路博德將萬餘人韓說將步騎三萬人出五原與單
于戰不利引還

征利元年九月狐鹿姑單于入五原殺畧吏民

三年正月狐鹿姑單于入五原殺都尉三月遣李廣
利將十萬人出五原擊之敗降

宣帝本始二年遣雲中太守田順為虎牙將軍出五
原救烏孫

甘露二年十二月呼韓邪單于款五原塞請朝

三年春正月呼韓邪單于來朝二月罷歸遣將萬六

千騎送單于單于居幕南保光祿塞

明一統志光祿塞即五原城

元帝初元二年六月呼韓邪單于上書告饑詔雲中

五原郡轉穀二萬斛以給之

竟寧元年春正月呼韓邪單于來朝願婿韓氏以自

親帝以王媼賜之

光武帝建武五年十二月盧芳稱帝於九原

六年十二月馮異擊盧芳匈奴兵破之

十三年春二月盧芳自五原亡出塞

二十年省五原郡徙吏人置河東

二十四年五月奠韃王曰逐王比為八部大人共立
為呼韓邪單于款五原塞

二十六年冬南單于置諸部王助為捍戍使當于骨
都侯屯五原

明帝永平五年冬北單于寇五原南單于數却之

八年春三月初置度遼將軍以吳常為之屯五原曼

柏

九年三月詔郡國罪囚減罪與妻子詣五原朔方占著

章帝建初八年夏六月三木樓訾大人稽留斯等歟五原塞降

章和元年冬十月北匈奴五十八部詣五原朔方北地降

六年春正月使匈奴中郎將杜崇等殺南單于安國於五原立左賢師子為單于

安帝永初三年秋九月雁門烏桓率眾王無何允興

鮮卑大人及南匈奴寇五原戰于九原高渠谷漢兵
大敗

延光二年冬十二月鮮卑敗南匈奴于曼栢

順帝永和五年九月徙朔方治五原

晉

安帝義熙三年後秦皇初六月持節安北將軍五原公

劉勃勃稱天皇大單于建元龍升國號大夏

九年夏鳳翔元年以叱干阿利領將作大匠統萬城改姓

曰赫連氏

北魏

太祖登國六年帝襲五原屠之收其積穀還紐埜川
於稠陽塞北樹碑記功

九年三月使東平公元儀屯田於河北五原

十年秋七月燕寇五原帝遣許謙徵兵于姚興東平
公元儀徙居朔方

太宗泰常八年二月築長城起自赤城西至五原延
袤二千餘里置戍衛

世祖神䴥二年十月徙蠕蠕降人置五原大延

高祖延興二年十月蠕蠕犯塞及五原

孝明帝正光五年或帥師討賊夏五月戰於五原敗績

文帝大統十四年五月太師宇文泰奉太子巡撫西境歷北長城東趨五原

隋

文帝開皇十九年冬十月突厥染干尚宗女安義公主悉雍虞間抄畧請徙五原從之

恭帝義甯二年三月五原通守張長遜以五原等郡

降唐即以為五原太守

唐

太宗貞觀元年二月分天下為十道綏寧豐勝州屬

關內道

按豐州即五原郡也

四年夏四月以右武衛大將軍史大奈為豐州都督

中宗景龍二年三月朔方總管張仁愿築三受降城

德宗貞元十二年九月以河東行軍司馬李景畧為

豐州都防禦使

武宗會昌三年正月以麟州刺史石雄為豐州都防

御使

宣宗大中元年五月河東節度使王宰將代北諸軍

以沙陀朱邪赤心為前鋒自靈州濟河破吐蕃論恐

執于鹽州

文獻通考鹽州秦漢屬北地郡後魏置大興郡西魏改為五原郡兼置西安州後改

為鹽州隋置鹽州郡唐為鹽州
或為五原郡治五原白池二縣

後梁

太祖乾化元年十一月高萬興取鹽州

宋

太宗太平興國七年閏十一月豐州兵與契丹戰破

獲其天德軍節度使蕭太八年三月豐州兵破契丹
降三千餘帳

慶歷元年八月趙元昊陷豐州知州王餘慶兵馬監
押孫吉死之

嘉祐六年十二月一作七年以府州羅泊川掌地復建豐
州并置永安保寧三砦

元豐五年五月豐州卒張世矩作亂伏誅

欽宗靖康元年二月夏人渡河取雲內州天德軍砦

中受
降城

五年
二年正月主客員外郎謝亮持詔書賜夏約和
昌以便宜割麟府豐三州隸夏人知晉寧軍徐徽言
率兵復三州

金

太宗天會六年

宋建炎二年

十一月知府州折可求以麟

府三州來降

明

太祖洪武七年偏將軍李文忠敗元兵于豐州

英宗天順六年春正月毛里孩等入河套

憲宗成化四年春二月滿魯都入河套

七年從兵部尚書白圭議以武靖侯趙輔為將軍王

越為督師搜套

明史本紀作七年
世法錄作八年

十三年十二月火篩入河套

二十年九月寇復入河套

孝宗宏治八年北部入河套

十三年小王子部入居河套 十二月火篩入河套

十七年火篩入套總兵官張安遣把總藍海等追及

於黃河岸勝之

武宗正德元年楊一清總制邊務請守東勝復河套
不報

六年六月小王子入河套犯沿邊諸堡

世宗嘉靖二十五年三邊總督曾銑議復河套

二十六年五月三邊總督曾銑襲套部勝之 十一

月三邊總督曾銑上復套方畧十八事下兵部議阻時

於邊乃不能
行套患日深

穆宗隆慶五年六月甲辰授河套部長吉能為都督

同知八月癸亥許河部互市

神宗萬歷十九年互市罷

二十四年二月延綏總兵麻貴襲河套部敗之

三十年復河套諸部貢市

三十五年閏六月復河套諸部貢市

四十六年十二月河套部長猛克什力來降

熹宗天啟元年插罕入套

愍帝崇禎末葉元嫡裔察哈爾林丹汗恃其士馬強盛橫行磧南蹂躪烏拉特鄂爾多斯諸部

本朝

天聰八年林丹汗滅諸部還舊牧地先後內附錫以
封爵以河套地賜烏拉特前中後三旗鄂爾多斯左
右翼後二旗

光緒三年土匪曹鴻照揭竿倡亂蔓延全套巡撫曾
國荃檄大同鎮總兵張樹屏樹字前營營官林成興
督師滅之

三十年劉添芳倡亂佔據隆興長逸西各地綏遠城
將軍貽穀巡撫張曾敷檄護大同鎮總兵孔慶塘歸
綏遠樸壽口外續備軍統領陳政詩督師討滅之

五原廳志上卷

祥異志 歷代祥異

後漢

靈帝光和六年秋五原山岸崩

見延綏鎮志

唐

高祖調露二年夏豐州河清

見延綏鎮志

本朝

光緒三十年秋河水泛溢近岸民舍田地多被毀傷
三十二年蝗蝻自西北入境食禾殆盡次年猶有遺

尊

五原廳志上卷

德音志 巡幸

秦

始皇三十二年帝巡北邊從上郡入遣將軍蒙恬伐
匈奴收河南地

漢

武帝元封元年冬十月帝自雲陽北歷上郡河西五
原出長城登單于臺

二年帝自泰山歷北邊九原歸於甘泉

北魏

太宗永興五年六月帝幸五原校獵於骨羅山獲獸
十萬

泰常五年秋七月西至五原

世祖始光三年六月幸五原田於陰山

神龜四年五月帝幸五原征蠕蠕

隋

煬帝大業四年三月幸五原出塞長城

恩澤

本朝

光緒三十年發庫帑三千兩賑五原被水民下貧者

附

前朝恩澤

漢


和帝永元十二年夏四月閏月賑貸五原民下貧者

穀

十四年夏四月賑貸五原流民下貧穀各有差

宋

天禧元年十二月詔沿邊糶穀者勿算



五原廳志上卷

封建志 前代爵邑

北周

五原郡公辛彥之

隋書本傳隴西狄道人後入關遂家京北周閔帝受禪彥之專掌儀

制明武帝奉使迎突厥皇后還賜爵龍門縣公邑千戶尋進爵五原郡公加邑千戶

隋

五原郡公元昊

歷代紀事年表文帝封五原郡公按昊以開皇二十年諫廢太子勇誅

隋書地理志五原郡開皇五年置豐州

五原廳志上卷

職官志 前代文武職 近代文職

前代文武職

朔方節度使 唐開元九年置朔方節度使領單于都護府夏鹽銀麟豐

旗勝今鄂爾多斯等六州以後隨時更置他方

唐

張說 洛陽人開元九年朔方節度使

王忠嗣 天寶六載朔方節度使

五原廳志 職官志

李林甫

天寶十載朔方節度使

郭子儀

華縣人天寶十四年充朔方節度使

論成節

西土人天寶中節度副大使

僕固懷恩

乾元二年朔方節度使

渾日進

永泰元年朔方節度使

崔寧

大歷十四年朔方節度使

常謙光

德宗初定遠天德鹽夏等軍節度使

李懷光

建中四年朔方節度使

戴休顏

夏縣人德宗時朔方節度使

杜希全 京北醴泉人 德宗時朔方節度使

高固 貞元十年朔方節度使

胡證 元和九年振武麟勝節度使

杜叔良 元和十四年朔方節度使

王佖 元和中朔方節度使

李泳 太和元年振武麟勝節度使

李彥佐 會昌三年朔方靈鹽節度使

僕固瑒 朔方行營節度使

渾釋之 朔方節度留後

張齊邱 朔方節度

朔方行軍大總管

唐

李勣 曹州離狐人貞觀十五年

論弓仁 京兆人高宗時

薛懷義 天授初

契苾明 鐵勒人天授初

張仁愿 下封人景龍二年

解琬 魏州元城人景龍初

唐休璟 京兆始平人景雲初

郭元振 魏州貴鄉人先天中

王峻 滄州景城人開元六年

韋抗 萬年人開元八年

信安王倓 開元七年

李迴秀 涇陽人

牛仙客

鵝舩人開元二十四年

臧時明

東莞人開元中

王孝傑

京北新豐人

朔方元帥

唐

楊執一

華陰人開元中朔方元帥

渾瑊

鐵勒九姓渾部人貞元中朔方行營副元帥

豐州都督

唐

史大奈

突厥人觀中人

崔知辯

永淳元年

豐州刺史

唐

李景畧

幽州人

劉蘭成

太中時

郭綱

華陰人
德宗時

任迪蘭

萬年人
德宗時

高霞厲

范陽人
元和中

陶彥謙

新平人

石雄

會昌三年

唐濬

永清中豐州司馬

知豐州

屬河南路

宋

王餘慶

慶歷元年

王承美

豐州人
開寶年
刺史

九原太守

唐

郭子儀

天寶時

五原太守

隋五原太守
本豐州刺史

漢

督瓊

馮立

杜陵人

延壽

五鳳時

後漢

隨昱

建武十三年

耿夔

永元時

陳龜

上黨人
永建中

王智

靈帝時

崔實

隋

張長遊

王韶

顏真卿

後以御史出使五原太守

度遼將軍

漢宣帝本始二年拜范明友為度遼將軍明帝永平八年置以衛南單于

也五原
曼柏

後漢

吳棠

永平八年

鄧鴻

新野人永元元年

龐奮

永元八年

梁瑾

弋居人永初四年

鄧遵 永初五年

耿夔 元延光元年

龐參 維以人永建元年

耿煜 陽嘉四年

馬續 永和元年

耿曇 茂陵人 順帝時

裴暉 聞喜人 順帝時

橋元 睢陽人 桓帝時

种暲 洛陽人 桓帝時

李膺 永壽二年

皇甫稜 安定人

皇甫規 安定人 延熹五年

張奐 熹煌人 延熹五年

鮮于輔 建安四年

獨孤進伯

朱徽

近代文職

本朝

姚學鏡

浙江湖州府歸安縣監
生光緒二十九年署任

晁鴻年

陝西西安府三原縣進士
光緒三十四年
由和林格爾撫民理事通判調署

五原廳志上卷

兵志

巡警

五原巡警營

廳官兼管帶哨官兼教習一員哨長一員馬兵五十名步兵二十名

巡防隊

公忽洞

大同巡防馬隊第四隊兵十名

後口子

大同巡防馬隊第四隊兵十三名

大余太

口外巡防馬隊第五隊兵一哨

黃老樓

口外巡防馬隊第五隊兵十名

西懷木 第口外巡防馬隊 兵十名

大有公 第口外巡防馬隊 兵十名

葩子補隆 第口外巡防馬隊 兵十名

甲浪水道 第口外巡防馬隊 兵十名

隆興長 第口外巡防馬隊 兵二十名

和合源 第口外巡防馬隊 兵十名

阿善 第口外巡防馬隊 兵十名

喇嘛召 第口外巡防馬隊 兵十名

協成地 第口外巡防馬隊 兵十名

祥泰魁口外第四隊巡防馬隊
兵十名

纏金口外第四隊巡防馬隊
兵十名

烏蘭卜爾口外第四隊巡防馬隊
兵十名

強油坊口外第四隊巡防馬隊
兵十名

東西場口外第四隊巡防馬隊
兵十名

邊防

河套東接山西偏頭關西至甯夏鎮相距二千里之
遙南則限以邊牆北濱黃河遠者八九百里六七百
里近者亦二三百里惟黃甫川之南焦家坪及孃孃

灘羊園波口為最近其地東北有大山而河流其中
濱河之地往往有城郭皆漢縣也河水自富平故城
而來東北逕渾懷障都尉之所治而障之西南有忻
都城又軍腦兒城省菟城峯城兒駱駝山麥梁山舊
花馬池石崖山河水出其西山上之石自然有文畫
若戰馬之狀故亦謂之畫石山河水又過朔方臨戎
縣西北逕三封故城臨戎者王莽之所謂推武而咂
把湖在其南也河水又東逕沃野故城遂北屈而為
河南又北迤西溢於麻渾縣故城東又自縣西出鷄

鹿塞其水積而為屠中澤澤東西一百二十里河水
又屈而東為北河逕高闕南昔趙武靈王自代並陰
山下至高闕為塞山下有長城連山刺天兩岸雲舉
故名闕也又東逕臨河縣故城北漢武帝封代恭王
子劉賢於此為侯國又至河目縣故城西又東逕陽
山南自高闕以東夾山帶河西至陽山皆北假也秦
使蒙恬將十萬人北波河取高闕據陽山北假中是
也河水又東逕廣牧縣故城北有東部都尉治又南
逕馬陰山西漢時稱陽山在河北陰山在河南者是

也陽山之間有東勝州城唐龍鎮而陰山一名鐘山
東西十餘里單于之苑囿也河水又東逕朔方縣故
城東北連鹽澤青鹽澤并在縣南有蓮花城紅鹽池
在其東長鹽池在其西漢置典官治又東轉逕渠搜
縣故城北又逕西安陽故城屈過九原縣南又東過
沙南縣北而南流入君子濟遂與圓水榆溪諸水合
為黃河焉而其中小水之支流者黃羊城東之牛心
山山東北有月兒海子水石瑤山城東海子山有水
出其下白城子紅城子交城子之東有北海子水佛

堂寺溝水駕鵞湖水卯孩水紫河水皆混濤歷峽而
分注於河蓋禹貢之折支渠搜也秦為新秦中漢為
朔方郡領縣十晉因之後為夏赫連所據周為蕃戎
落立朔州以統之隋置勝州榆林郡唐以降突歛置
六州曰魯曰麗曰含曰塞曰依曰契以唐人為刺史
武后時并為匡長二州中宗神龍二年置蘭池都督
府分六州為縣開皇十年復改為州又增置宥州天
寶中改寧朔郡景龍二年張仁愿於河北築三受降
城先是朔方軍與突厥以北河為界界有拂雲祠突

厥將入寇必先詣祠祭禱求福因牧馬料兵候冰合
渡河時默啜盡衆西擊婆葛仁愿來虛奪取漠南之
地築三城相去各四百里皆據津濟北拓三百餘里
於牛頭胡那山烽堠百八十所自是突厥不敢度山
南牧後安祿山反天子幸蜀肅宗至靈武以朔方兵
授李郭諸將東討史思明安慶緒雖兩京恢復而鎮
兵遂單弱不振矣憲宗時復置宥州於長澤縣唐末
拓拔思恭鎮是州討黃巢有功賜姓李遂有銀夏綏
宥靜五州之地五代及宋為李夏所并元滅之廢宥

州設西夏中興尚書省明初為王保保所據追逐之
築東勝等城并立屯戍英宗天順六年春毛里孩等
入河套是時孛來稍衰其火部毛里孩阿羅出少師
猛可與孛來相仇殺而立脫思為可汗脫思故小王
子從兄也於是毛里孩阿羅出孛羅忽三部始入河
套然以羊水草不相下時遣人貢馬無大寇成化初
始盜邊都御史項忠及彭武伯楊信禦之遁去大學
士李賢奏河套與延綏接境原非敵人巢穴今毛里
孩居處其中出沒不常苟欲安邊必須大舉而後可

乞令兵部會官博議於是兵部尚書王復集議以大
同總兵楊信舊治延綏稔知地利宜召還京西受成
算其陝西甯夏延綏甘涼大同宣府鎮廵諸官亦宜
勅令整飭兵備候期調發毛里孩乞通貢制曰無約
而請和者謀也不許毛里孩遂渡河東侵大同乃出撫甯
伯朱為大將軍率京兵往都督劉聚鮑政副之會毛
里孩再上書求貢許之詔永駐軍代州先是毛里孩
以政殺孛來弒其可汗馬可古兒吉思更立可汗毛
里孩復弒之并逐少師阿羅出自稱黃苓王與札加

思蘭寇大同撫寧侯朱永帥師禦却之其明年虜加
思蘭殺阿羅出併其衆而結元裔滿魯都入河套虜
加思蘭者亦蒙古別部居哈密北山至是始盛侵掠
哈密雄視諸番竟東渡河與滿魯都合邊人大擾乃
勅都御史王越總關中軍務議搜河套復東勝越等
奏言河套水草甘肥易於駐劄腹裏之地道路曠遠
難於守禦欲得威望素著大臣統制諸軍乃以武定
侯趙輔充總兵官征河套無何稱疾還虜加思蘭復糾
兀良哈寇延慶命撫寧侯朱永為將軍都御史王越

督師往延綏禦之以捷聞朱永等以套寇未退議上
戰守二策兵部尚書白圭等以馬方瘦損供餉不敷
勢難追勦請命諸將慎為守禦以圖萬全乃召朱永
還以邊事委王越及總兵許寧并命吏部右侍郎葉
盛行視時議增兵設險或請大舉搜套驅出河外沿
河築城堡抵東勝徙民耕守其中盛往上言搜河套
復東勝未可輕議惟增兵守險可為遠圖帝從之成
化八年春兵部尚書白圭復上言套寇不驅邊患無
已宜擇遣大將付以闡外得專征伐於是武靖侯

趙輔為將軍王越為督師仍再出擊河套五月寇大
入延慶輔無功還乃詔甯晉伯劉聚代之其明年秋
滿魯都與宇羅忽并寇韋州總督王越偵知其輜重
於紅鹽池乃與總兵許甯遊擊周玉等率輕騎晝夜
馳三百餘里襲擊之擒斬三百餘級獲雜畜器械甚
衆盡燒其廬帳而還毛里孩自據河套以數為邊害
諸將皆擁兵却縮乘賊之退徼擊一二老弱以冒首
功即朝廷三遣大將朱永趙輔劉聚出大抵堅壁示
持重歲費糧仗以萬計敵益驕至是大創賊內失其

五原府志 上卷
爭相與悲泣渡河北去邊境少安孝宗宏治八年北
部復擁衆入河套住牧未幾火節據之當是朝廷清
明內外大臣協心體國為經久計以故總制邊務楊
一清議復河套守東勝會孝宗崩一清復上經畧三
疏一議守守其所必入一議戰戰其所必敗一議攻
攻其所必救而劉瑾用事無可為者一清尋得罪去
嘉靖元年套騎二萬自兒井堡撤墻入固原平涼涇
州殺指揮楊洪千戶劉瑞是冬寇固原環慶間殺傷
以萬計十七年巡按山西御史何贊疏言河套為吉

囊所據外連西方海賊內構大同逆卒宜急剷除其
策有二一曰計以破之二曰勢以走之而其要在於
久任撫臣以責成效興復屯法以裕邊儲議格不行
二十四年秋套寇擁衆二萬餘入寇榆林塞乃逮繫
總督尚書張珩延綏巡撫張子立詔獄其明年套騎
三萬入寇延安府至三原涇陽殺掠人畜無算總督
三邊侍郎曾銑請徼河套條為八議一曰定廟謨二
曰立綱紀三曰審機宜四曰選將才五曰任賢能六
曰足幣餉七曰明賞罰八曰修長枝文多不載方下

兵部議行總督曾銑又奏延綏密與套寇為隣自定邊營至黃甫川連年入寇率由是道所當急為修繕分地定工次第修舉起自定邊營東至龍州堡計長四百四十餘里為中段自雙山堡而東至黃甫川計長五百九十餘里為下段期以三年竣事乞發帑銀如宣大山西故事銑又言套賊不除中國之禍未可量也今日之事宜用練兵六萬人益以山東槍手二千多備矢石每當夏秋之交携五十日之餉水陸并進乘其無備直搗巢穴村官騎發礮火雷擊則彼不

能支歲歲為之每出益勵彼勢必折將遯而出套之
恐後矣俟其遠出然後因祖宗之故疆臨河為塞修
築墩隍建置衛所處分成卒講屯政以省全陝之轉
輸壯中國之形勢此中興之大烈也願陛下斷自聖
心亟定大計夫臣方議築邊又議復套者以築邊不
過數十年計耳復套則驅斥先殘臨河作障乃國家
萬年久遠之計惟陛下裁之帝曰寇據河套為中國
患久矣歲闕隘橫被荼毒朕宵旰念之而邊臣無分毫
憂者今銑能倡復套之謀甚見壯猷發銀三十萬兩

與銑聽其修邊墻餉兵造器便宜調度支用為防禦
計其明年夏總督曾銑出塞襲套部勝之初春時銑
督兵出塞掩擊亡其士卒十二三匿其敗狀至是復
襲之寇覺銑躬率銳卒督戰益力殺獲過當敵移帳
北去間以輕騎追數百里亡所見引兵而還銑既以
捷聞更列上諸臣功罪帝弗問命增俸賜白金紵幣
有差其冬總督曾銑會同陝西巡撫謝蘭延綏巡撫
楊守謙寧夏巡撫王邦瑞及三鎮總兵議復套方畧
乃條列十八事曰恢河套修築邊墻選擇將材選練

士卒買補馬羸進兵機宜轉運糧餉申明賞罰兼備
舟車多置大器招降用間審度時勢防守河套營田
儲蓄及明職守息訛言寬文法處孽畜又上營陣八
圖曰立營總圖及遇敵駐戰選鋒車戰騎兵迎戰步
兵搏戰行營進攻變營長驅獲功收兵各圖帝覽而
嘉之下兵部尚書王以旂會廷臣集議遲回者久之
乃上言曾銑先章疏事體重大請悉聽聖斷帝諭輔
臣曰師出果有名兵食豈有餘成功其可必耶如此
大事一銑何足言祇恐百姓受無罪之殺戮耳卿職

任輔弼果真知灼見當定擬行之大學士夏言等不
敢決復諸聖斷帝命以前諭發兵部集多官再會疏
以聞初嚴嵩入相同事者多罷去後帝微聞其橫厭
之於是詔起夏言言至為少師位在嵩上言凡所擬
旨專制而已不復顧問嵩嵩惟唯唯不敢言時時斥
逐其黨不敢救由是爭恨子尚寶司少卿世蕃通賂
遺為姦利言持其事請衆嵩懼甚携世蕃請言所求
哀言稱疾不出嵩直入與世蕃拜床下泣謝言遂置
不發嵩父子愈怨恨之於是揣知帝意乃上疏曰銑

以好大喜功之心而為窮兵黷武之舉在廷諸臣皆
知其不可第有所畏不敢明言幸賴聖心遠覽活全
陝百萬生靈之命誠宗社無疆之福臣備員輔職不
能先事匡正有負委任請從顯黜帝曰卿既未知可
何不力止言於銑疏初至時乃密疏稱人臣未有如
銑之忠者朕已燭其私但知肆其所為不顧國安危
民生死惟徇曾銑殘欲耳卿宜盡忠供職不允辭時
帝已大疑言懼不免因上疏曰臣愚識本短淺慮欠
周詳茲承聖諭成功難必百姓無罪仰惟馭遠宏謨

好生大德非臣愚昧能窺萬一然此事臣數與嵩議
絕無異言今先臣具奏名雖自劾意實專欲諉臣自
解所幸軍旅未興聖諭先布否則臣將不知死所矣
下吏禮部會都察院恭看以聞於是嵩復疏辯曰
銑疏初至臣心知其非而不止言罪無可辭臣與夏
言同典機務事無巨細理須商榷而言驕橫自恣凡
事專決常務既不與聞即興兵復套事體極大自始
至今亦并無一言議及其諸疏揭所奏不過列署臣
名昨奉聖旨謂密奏稱臣未有如銑之忠臣讀之愕

然實不知也至於每擬誇許皆出言手言欲以此顯
上意於外而視親厚於銑故朝廷臣皆為上意欲行
無不恐懼即臣不知亦恐皇上別有諭於言也昨蒙
降兵部會疏於閣言獨留看三日復出一密奏於袖
中令臣一閱隨即騰進并不出片言商可否臣誠自
知具員不宜復覲顏在列乞罷帝固留之是時帝意
且不測而嵩攻言甚力言懼乃復上書自明且求去
遂罷言逮銑至京以兵部尚書王以旂總督軍務凡
與議復套者悉奪俸并罰言官廷杖有差會俺答蹈

水踰河入套將謀犯延甯聲勢強甚巡撫綏延楊守謙以聞嵩微言俺答合衆入套皆曾銑開邊所致以激上怒甘肅總兵咸甯侯仇鸞初被銑劾奏逮京嵩更授意亦上疏訐銑下吏議得棄市罪銑有機畧初為御史巡按遼東會遼東廣甯撫順兵變銑密運方畧悉捕斬首惡遼以無事時論稱其才比視西師乃倡復套議夏言好邊功遂力主之嵩素與言有隙因鼓成其罪銑竟論死家無餘資妻子狼狽遠徙後九月俺答復寇宣府帝怒曰開邊之禍何未已也遂并

斬言天下并冤之小王子者脫脫不花可汗之子太師孛來立之有三子長阿爾倫次阿著次滿官嗔阿爾倫為太師亦不刺所殺阿著稱小王子未幾死衆立阿爾倫之子卜赤為亦克罕後亦不刺入西海其部遂歸吉囊合為四營滿官嗔部營八分屬火篩俺答吉囊者小王子之從父火篩俺答者皆阿著子也夫當洪武之初套中皆為棄地忽來忽去乘其虛亦易逐而東勝不守藩籬自撤自後防河之戍既罷巡河之議又寢居然甌脫焉是河套非彼奪之實我棄

之也夫保之於未失之先易爭之於既失之後難興
師糜財利鈍難必即衛霍復起而與之計不知策之
何出也

